



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2770/13
Sarajevo, 13.11.2013. godine

01/2 - 50-1

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 14.11.2013			
Organizaciona jedinica	Klasifikaciona oznaka	Redni broj	Broj strana
01	50-1	15-53	13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 69. sjednici održanoj 12.11.2013. godine, utvrdilo je Odgovor na zastupničko pitanje koje je postavio Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-2770/13
Sarajevo, 12.11.2013. godine

Šemsudin Mehmedović, poslanik u Predstavničkom domu Parlamentarne skupštine Bosne i Hercegovine, na 53. sjednici ovog Doma održanoj 19. 09. 2013.g, postavio je poslaničko pitanje Predsjedništvu Bosne i Hercegovine i Ministarstvu vanjskih poslova BiH po pitanju rješavanja pitanja prava radnika koji su radili u Hrvatskoj iz BiH, a koje glasi kako slijedi:

“Naime, 28.03.2013.g, na 46. sjednici Predstavničkog doma PS BiH, zaduženo je Vijeće ministara BiH da dostavi novi i potpuniji izvještaj o provođenju “Plana mjera“ u roku od 60 dana.

Kada će taj izvještaj biti u PS BiH sa posebnim osvrtom da li je i šta je učinjeno da se pitanje rješavanja problema otpuštenih radnika, građana BiH pokrene pred EU institucijama u svjetlu ispunjenosti uslova koje bi Republika Hrvatska trebala ispuniti prije ulaska u EU? Od 01.07.2013.god. Republika Hrvatska je u EU.

- Šta je učinjeno i da li je uopšte pokrenuta inicijativa da se sa Republikom Hrvatskom dopuni postojeći ugovor o soc. pravima u smislu izjednačavanja tih prava građana BiH koji su u Republici Hrvatskoj postali invalidi rada, sa pravima koja imaju/uživaju građani Republike Hrvatske-invalidi rada?

- Ministarstvo vanjskih poslova BiH zaduženo je da imenuje predstavnike delegacije BiH za pregovore sa predstavnicima Republike Hrvatske, šta je sa tom delegacijom, da li će zaživjeti i početi raditi? “

Na postavljena pitanja, Vijeće ministara Bosne i Hercegovine je na sjednici 69. održanoj 12. 11. 2013. godine, utvrdilo slijedeći

ODGOVOR

Ministarstvo vanjskih poslova Bosne i Hercegovine je zajedno sa drugim BH institucijama u proteklom periodu bilo posebno fokusirano na rješavanju otvorenih i prioriternih pitanja između BiH i RH sa aspekta pristupanja Republike Hrvatske Evropskoj uniji. Proces pristupanja RH u EU intenzivirao je dijalog između dvije države o mnogim pitanjima, a rješavanje radnopravnog i socijalnog statusa radnika iz BiH koji su bili zaposleni u RH i otpušteni sa posla u periodu 1991.-1995.g. je za Vijeće ministara BiH među prioriternim.

Ministarstvo vanjskih poslova BiH je i do sada, postupajući shodno “Planu mjera“ (tačka 3. Plana) u okviru svojih nadležnosti, tokom gotovo svih bilateralnih razgovora sa predstavnicima Ministarstva vanjskih poslova i evropskih integracija Republike Hrvatske ukazivalo na potrebu hitnog rješavanja statusa otpuštenih radnika iz BiH u R. Hrvatskoj. Na temelju dosadašnjih kontakata, evidentno je da hrvatska strana potencira rješavanje ovog

pitanja pred pravosudnim institucijama, odnosno da se materijalno obeštećenje radnika osigura u sudskom postupku.

U vezi sa multilateralnim aspektom mogućeg rješenja, ističem da su shodno tački 4. "Plana mjera" o ovom odnosu (države RH spram BH radnika) upoznate relevantne međunarodne organizacije u BiH, prevashodno sa ciljem njihovog angažmana ka holističkom rješavanju ovog ionako kompleksnog pitanja.

MVP BiH je također, neovisno od (ali uključiv "Plan mjera"), postupajući shodno zaključku Vijeća ministara BiH sa 36. sjednice održane 23.01.2013.g, inicirao proceduru za formiranje Delegacije BiH koja će biti ovlaštena za pregovore sa hrvatskom stranom o ostvarivanju prava radnika iz BiH u RH. U tom smislu, ovo Ministarstvo, Ministarstvo pravde BiH, Ministarstvo civilnih poslova BiH, Ministarstvo za ljudska prava i izbjeglice BiH, te udruženja radnika, imenovali su svoje predstavnike kao članove Delegacije. U MVP BiH je sačinjen Nacrt odluke o imenovanju i ovlaštenjima BH Delegacije za pregovore sa hrvatskom stranom, te ukoliko gore navedene BH institucije prihvate i prijedlog ovog Ministarstva o načinu imenovanja Šefa BH Delegacije, rad na donošenju odluke će biti okončan bez odlaganja (potpisivanjem).

Nastavak aktivnosti vezan za početak i rad BH Delegacije po ovom pitanju odnosi se prvenstveno na informisanje Vijeća ministara BiH o učinjenom i pribavljanje saglasnosti za iniciranje pregovora sa hrvatskom stranom, a potom diplomatske aktivnosti u cilju upoznavanja Vlade Republike Hrvatske sa prijedlogom za održavanje sastanka na ekspertskom nivou, usaglašavanje mjesta, termina i agende sastanka, imenovanje Šefa BH Delegacije paritetno poziciji, zvanju i rangu Šefa delegacije R. Hrvatske, te podršku u radu delegacija u okviru nadležnosti MVP BiH.

Neovisno od dinamike realizacije navedenih aktivnosti, napominjemo da je u određenoj fazi moguće da te aktivnosti koincidiraju sa pripremama za ili održavanjem Druge zajedničke sjednice Vijeća ministara Bosne i Hercegovine i Vlade Republike Hrvatske. U tom smislu, MVP BiH je (imajući u vidu "Plan mjera" i zaključak Vijeća ministara sa 36. sjednice), Vijeću ministara BiH aktom od 13.09.2013.g, ukazao na potrebu rješavanja određenog broja pitanja koja niz godina opterećuju međusobne bilateralne odnose, a nisu u (isključivoj) nadležnosti Ministarstva vanjskih poslova BiH. Među tim pitanjima je i rješavanje radnopravnog i socijalnog statusa državljana Bosne i Hercegovine zaposlenih u Republici Hrvatskoj, a u periodu 1991-1995.g. otpuštenih sa posla, te je na taj način Ministarstvo ovo pitanje kandidiralo za razmatranje na Drugoj zajedničkoj sjednici VM BiH i Vlade R. Hrvatske.

Shodno navedenom, smatram da Ministarstvo vanjskih poslova Bosne i Hercegovine u kontekstu utvrđenog "Plana mjera", kao i u kontekstu ukupnih diplomatskih aktivnosti ispunjava obaveze u okviru svojih nadležnosti i obaveze koje se temelje na odlukama (zaključcima) nadležnih institucija Bosne i Hercegovine, te će kao i do sada nastaviti aktivnosti ka postizanju prihvatljivog rješenja u vezi sa predmetnim.